

V DEIALDIA

DOKTOREGOAN LAGUNTZEKO PROGRAMA

DEIALDIAREN OINARRIAK

1.- Helburua.

Deialdi honen helburua beka edo diru-laguntzak ematea da; onuradunek doktoregoa egin ahal izango dute Zientzia, Teknologia eta Berrikuntzarako Euskal Sareko (RVCTI) kide den erakunderen batean egonaldia eginez, eta erakunde hori izango da Atxikitako Zentroa.

2.- Onuradunak

Bekak Goi-mailako Unibertsitate Tituludunentzat dira, Doktorego Tesia RVCTIko kide den Atxikitako Zentro batean egonaldiak eginez egin nahi badute.

Ingeniaritzako tituludunek bukatuta izan beharko dute Ikasketa Bukaerako Proiektua.

3.- Beken diru-kopurua

Beka bakoitzaren diru-kopuru gordina 1.044,00 €-koa izango da hilean, beka-egoeran prestatzen ari diren ikertzaileentzat.

Denboraldi horretan, beka-egoeran prestatzen ari den ikertzaileak eskubidea izango du bere garaian hartzeko bekari dagokion laguntza ekonomikoa, deialdi honetan ezarritako eran, baina lansari edo soldata izaerarik gabe, eta eskubidea izango du Gizarte Segurantzako Erregimen Orokorrean sartzeko 63/2006 Errege Dekretuak Lehenengo Xedapen Gehigarrian 1. atalean ezarritakoaren arabera. Halaber, Errege Dekretu horren 6.e) artikuluan ezarritakoaren arabera, bekadunak bere gain hartu beharko ditu Gizarte Segurantzako Erregimen Orokorrean sartzearen ondorioz dagozkion betebeharrak.

Hirugarren urtetik aurrera eta Ikasketa Aurreratuen Diploma lortu ondoren, praktikaldiko lan-kontratua egingo da bekadunaren eta Atxikitako Zentroaren artean, legez dagokion ordainsaria jasoko duelarik.

Doktorego Programan matrikulatzea bekaren lehen urtean egingo da nahitaez. Doktorego Programaren matrikula-tasen zenbatekoaren %50 bekadunak ordainduko du eta %50 beka garatzen dueneko Atxikitako Zentroak. Praktikaldiko lan-kontratua izenpetzean, bere garaian Doktorego Ikastaroak egiteko ordaindu zuen matrikularen zenbatekoaren %50 ordainduko dio Atxikitako Zentroak bekadunari.

Beka honen gozamen aldian ezingo da beste bekarik, lansaririk edo ordainik hartu bere edo besteren kontura zerbitzuak emateagatik.

4.- Ezaugarriak eta iraupena

Beka garatzeko, doktorego-ikastaroetara joan behar da, eta Doktorego Tesia egin behar da ikerketa-proiektu baten barruan.

Bekaren bi urteak bukatzean Ikasketa Aurreratuen Diploma ez lortzea Programa iraungitzeko arrazoia izan daiteke.

Bekadunak tutore bat izango du, Unibertsitateak izendatua, eta Doktorego Tesiaren zuzendari bat. Bi zeregin horiek pertsona bakar batek ere bete ditzake.

Doktorego Beken iraupena urtebetekoa izango da, baina luza daiteke gehienez ere 4 urtera, Prestatzen ari diren Ikertzaileen Estatutuan ezarritakoaren arabera. Tesiaren defentsa 4 urte horiek igaro baino lehen egiten bada, Tesiaren defentsa egiten den hilabetean bukatuko da prestakuntza-programa.

Bekadunei beka garatzeko Atxikitako Zentroan 2007ko urriaren 22an hasi behar dute. Egun hori baino geroago hasten badira Zentroan, bertan igarotzen dituzten hilabeteen arabera egokituko da diru-kopurua.

Alde batera utzita noiz hasten den beka garatzen horretarako Atxikitako Zentroan, bekaren lehen urtearen gozamen-aldia 2008ko urriaren 21ean emango da bukatutzat.

Beka-urte bakoitza bukatzean Iñaki Goenaga-Zentro Teknologikoen Fundazioak bekadunari buruzko iritzia eskatuko dio Atxikitako Zentroari. Datu hori eta dagokion proiektuaren egoera funtsezkoak izango dira Beka berri-ala ez erabakitzeko.

5.- Gozamen-baldintzak

Bekaduna programa garatzeko Atxikitako Zentroan sartzen denean hasiko da beka gozatzen ere; programa burutzerat konprometituko da bekaduna eta Atxikitako Zentroko arauak betetzera beti, probetxu ona izan dezan beharrezko diren jarrera eta interesarekin.

Bekaren baldintzak betetzen ez badira, Fundazioak eskubidea izango du emandako diru-kopuruak itzultzea eskatzeko.

Prestakuntza Tesiaren zuzendariak gidatuko du, baina Fundazioak beti izango du ahalmena bekadunaren jardueraz kontrol orokorra egiteko.

Fundazioak eskubidea izango du, urteko edozein unetan, bekaduna egiten ari denaz txostena eskatzeko bekadunari berari edo Atxikitako Zentroari. Txosten hori ez bada aurkeztzen edota aurkeztutakoaz Fundazioak ebaluazio negatiboa egiten badu, laguntza edo beka eten egin daiteke berehala. Erabaki honek motibatua beharko du izan.

Beka betiko edota aldi baterako eteteko zio edo motiboak honako hauek izan daitezke:

- Bekaren prestakuntza-helburuak lortzeko ezintasuna.

- Bekari probetxurik ez ateratzea era nabarmenean.
- Diziplinarik eza.
- Tresneria eta materialak behar bezala ez erabiltzea.
- Atxikitako Zentroko arauetako begirunerik eza.
- Isilpeko informazioa argitara ematea.

6.- Araubide Juridikoa

Beka-deialdi hau Oinarri hauek arautuko dute eta urtarrilaren 27ko 63/2006 Errege Dekretuak, Prestatzen ari diren Ikertzaileen Estatutua onartzen duenak, ezartzen duena aplikatuko da.

7.- Eskubideak eta betebeharrak

Bekadunek ondorengo eskubide eta betebeharrak izango dituzte:

- Beka garatzeagatik, deialdi honen oinarrietan ezarritako diru-kopurua hartuko dute.
- Bekaren edukiaz gain, prestakuntza gehigarria hartzeko aukera izango dute, Atxikitako Zentroko arauen arabera.
- Fundazioaren Idazkaritza Teknikoa bekadunen esanetara izango da beti, eskatzen diotenari erantzuteko.
- Beka garatzen ari diren Atxikitako Zentroko barne-araudia bete beharko dute.
- Isilpekotasunik zorrotzena izan behar dute ikerketa edo azterketa-gaiei buruz, bai bekaren gozamen-aldian eta bai bukatu ondoren, Atxikitako Zentroaren berariazko baimena beharko dutelarik horiek erabiltzeko edo/eta beste batzuei jakinarazteko.
- 63/2006 Errege Dekretuak, Prestatzen ari diren Ikertzaileen Estatutua onartzen duenak, ezarritako beste eskubide eta betebeharrak.
- Bekan sartuta daude Doktorego Programako matrikula-tasak deialdi honetan ezarritakoaren arabera.
- Beka bukatzean, beren lan-egoeraren berri eman beharko diote Fundazioari.

Atxikitako Zentroak 63/2006 Errege Dekretuak, Prestatzen ari diren Ikertzaileen Estatutua onartzen duenak, ezarritako eskubide eta betebeharrak izango ditu, eta beka zuzen garatu dadin zainduko du, bekadunak egin beharreko lana erraztuz.

Bekaren hirugarren urtearen hasieratik aurrera, bekadunak egindakoa egiaztatzen duen Ziurtagiria emango du Fundazioak.

Ikerketa dela-eta egindako argitalpen orotan, Iñaki Goenaga-Zentro Teknologikoen Fundazioa aipatu behar da. Argitalpenaren kopia bat Fundazioari bidali behar zaio, eta beste bat beka garatu deneko Atxikitako Zentroari.

8.- Eskaerak.

Bekak eskatzeko baldintzak

Beka eskatzeko, beharrezkoa da Goi-mailako Unibertsitate Tituludun izatea (Ingeniaritzen kasuan, Ikasketa Bukaerako Proiektua bukatuta izatea).

Eskaerak aurkeztea

Beka-eskaerak 2007ko ekainaren 27tik uztailaren 27ra aurkeztu behar dira.

Fundazioaren web guneko Eskabide Orriaren bidez egin behar dira eskaerak (www.fundacioncentrostecnologicos.org), non ematen baita Orri edo inprimaki hori egoki betetzeko behar den informazio guztia.

9.- Eskaerak balioestea eta hautatzea

Fundazioak Epaimahai Kalifikatzailea izendatuko du bekak emateko.

Ondorengo irizpideon arabera balioetsiko dira eskaerak:

- Espediente akademikoa
- Aukeran, hobe azken aldiko titulazioa
- Hizkuntzak jakitea
- Eskatzaileak aurkezten duen beste edozein meritu: ikasketa-bukaerako proiektuaren gaia, egindako lan teknikoak, ikasketak, etab.
- Bakoitzarekin egingo den elkarrizketa.

Hautaketa-prozesuaren lehenengo fasea, Fundazioaren web guneko Eskaera Orrian eskatzaileak emandako informazioaren arabera bakarrik egingo da. Gero, agiri bidez frogatu beharko da emandako informazio guztia egiazkoa dela.

Hautaketa-prozesuaren barruan —nahitaezko betebeharra da— Epaimahaiak aurrez aurreko elkarrizketa pertsonala egingo die beka eskatu dutenei.

Bekaren bat eman gabe geratzen bada, edo deitutako beketan aldaketarik gertatzen bada, Fundazioak du eskubidea egoki iruditzen zaizkion erabakiak hartzeko, betiere deialdi honen atzean dagoen espirituaren arabera.

Atzerriko titulazioek Estatuko titulazioekin duten baliokidetasuna Fundazioak ebaluatuko du.

Beka eskatze hutsak esan nahi du Oinarri hauek onartzen direla, eta Iñaki Goenaga-Zentro Teknologikoen Fundazioak erabakiko ditu sortzen diren zalantza eta gorabeherak.

10.- Jakinaraztea eta argitaratzea

Fundazioak pertsonalki adieraziko die onuradunei bekari buruzko erabakia, eta bere web gunean ere emango du deialdi honen emaitzen berri.

11.- Informazioa:

- Iñaki Goenaga-Zentro Teknologikoen Fundazioan (Tel. 94 420 94 88)

- Ondorengo web gunean: www.fundacioncentrostecnologicos.org

Beka eskatze hutsak oinarri hauek onartzen direla esan nahi du. Iñaki Goenaga-Zentro Teknologikoen Fundazioa arduratuko da sortzen diren gorabeherak konpontzeaz.

Fundazioak eskubidea izango du bidezko iruditzen zaizkion aldaketak egiteko "Doktoregoan Laguntzeko Programa" V. Deialdiaren oinarri hauetan.